

全上古三代秦漢三國六朝文

全宋文卷八

烏程嚴可均校輯

明帝二

改葬崇憲太后詔 四年五月

崇憲昭太后脩寧陵地大明之世久所考卜前歲遭諸蕃之難禮
從權宜奉營倉卒未暇營改而塋隧之所山原卑陋頃年積壞日
有滋甚恆費脩整終無永固且詳攷地形殊乖相勢朕蚤蒙慈遇
情禮兼常思始終之義載彰幽顯史官可就巖山左右更宅吉地
明審龜筮須選合辰式遵舊典日禮制今中寓雖靈邊虜未息
營就之功務在從簡舉言尋悲情如切割

宋書文帝
路淑媛傳

車服詔 八月甲寅

車服之飾象數是遵故盛皇雷範列聖垂制朕近改定五輅酌古
代今脩成六服治時變禮所施之事各有條敘便可付外載之典

章朕曰大冕純玉纁玄衣黃裳乘玉輅郊祀天宗祀明堂又曰法冕五綵纁玄衣絳裳乘金輅祀太廟元正大會朝諸侯又曰飾冠冕四綵纁紫衣組裳乘象輅小會宴饗餞送諸侯臨軒會王公又曰繡冕三綵纁朱衣裳乘革輅征伐不賓講武校獵又曰紘冕二綵纁青衣裳乘木輅耕稼饗國子又曰通天冕朱紗袍爲聽政之服宋書禮志五通典六十一又御覽六百人十六引王智深宋記

寬刑詔

九月戊辰

夫愆有小大憲隨寬猛故五刑殊用三典異施而降辟次網便暨鉗撻求之法科差品滋遠朕務存欽卹每有矜貸尋臆制科罪輕重同之大辟卽事原情未爲詳衷自今凡竊執官仗拒戰邏司或攻剽亭寺及害吏民者凡此諸條悉依舊制五人以下相逼奪者可特賜黥刑投畀四遠仍用代殺方古爲優全命長戶施同造物庶簡惠之化有孳羣萌好生之德無滯幽品宋書明帝紀

搜括隱逸詔

五年九月

夫箕頊之操振古所貴冲素之風哲王攸重朕屬橫流之會接雖
晦之辰寵暴翦亂日不服給今雖關隴猶馭區縣澄氛偃武修文
於是乎在思崇廉恥用靜馳薄固已物色載懷寢興於歎其有貞
栖隱約自事衡樊鑿匠遺榮負釣辭聘志恬江海行高塵俗者在
所精加搜括時已名聞將貲園矜德茂昭厥禮羣司各舉所知已
時授錄

宋書明
帝紀

下廬江王禕詔

五年

昔周室既盛二叔流言漢祚方隆七薜迷恆斯實事彰往代難亂
自古雖聖賢御極寓內紆患大尉廬江王藉慶皇枝蚤升寵樹幼
無立德長缺脩聲淡薄親情厚結行路狎昵羣細疏濫人士自朕
撥亂定宇受命應天實尙睦敦克敷友于故崇殊爵超居上台而
公常懷不平表於事迹公若德深望重宜膺大統朕初平暴亂豈

敢當璧自然推符奉璽天祚有歸且朕雖居尊極不敢自恃宗室之事無不諮公不虞志欲難滿妄生窺怨積懸在衿遂謀社稷曩者四方遘禍兵斤畿甸縉紳憂惶親賢同憤惟公獨幸厥災深忤時難晝則從禽遊肆夜則縱酒絃歌側耳視陰企賊休問司徒休仁等竝各令弟事兼家國摧鋒履險各伐一方蒙霜踐棘辛勤已甚況身被矢石吞秦難虞悠悠之人尙有信分公未嘗有一函之使遣半紙之書志棄五弟已何讎賊自謂身非勁烈義不參謀必期凶逆道申已圖輔相及皇威既震羣凶肅蕩乃有同慶萬國合欣而公容氣更沮下帷晦迹每覘天察宿懷協左道呪詛禱請謹事邪巫常被髮跣足稽首北極遂圖畫朕躬勒已名字或加之矢刃或烹之鼎鑊公在江州得一漢女云知吉凶能行厭呪大設供養朝夕拜伏衣裝嚴整敬事如神令其呪詛孝武井及崇憲祈皇室危嶽統天稱已巫稱神旨必得如願後事發覺委罪所生微幸

敏隘，僅得自免。近又有道上張寶爲公見信，事既彰露，肆之於法。公不知慚懼，猶加營理，遣左右二人主學殖舍，顯行邪志，罔顧吏司。又挾閹豎陳道明交關不送，傳驛首意，投金散寶，已爲信誓。又使府史徐虎兒招引邊將，要結禁旅，規害台輔，圖犯宮掖。公受性不仁，才非治用，昔忝江州，無稱被徵，前莅會稽，已辜左黜。公稽古寡聞，嚴而無理，言不暘寒暑，惠不及帷房，朝野所輕，搢紳同侮。豈堪輔相之地，虛任莅民之職，非唯一朝有自來矣。大明之世，迄於永光，公常留中，未嘗外撫，何旨在今方起嫌怨，公少卽長，人情無衰感，侍拜長盥，從祀宗廟，顏無感狀，淚不垂臉，兄弟長幼，靡有愛心。昔因孝武，御筵置酒，心誠不著，於時義陽，念遇本薄，遭公此譖，益被猜嫌，朕當時狼狽，不暇自理，賴崇憲太后譬解，百端少蒙申亮，得免殃責。景和狂主，醜毒橫流，初誅宰輔，豺志方扇，於建章宮召朕兄弟，逼酒使醉，公因酒勢，遂肆苦言，云朕及休仁與太宰親

數往必清開贈貶豐厚朕當時惶駭五內崩墜於其語次劣得小
止往又經在尋陽長公主第兄弟共集忽中坐忿怒厲色見指曰
朕行止出入每不能固若得稱心規肆忿憾惟公此旨蚤欲見滅
而天道愛善朕獲南面不長惡逆挫公毒心自大明積費國弊民
凋加景和奢虐府藏罄盡朕在位甫爾卹義具瞻仍值終阻蜂起
日耗萬金公卿庶民傾產歸獻積受台奉贊尚優廣朕踐祚之初
公請故太宰東傳餘錢見人數百萬內不充養外不助國散賜詔
諛徧惠趨隸推心攷行事類斯比羣小交構遂生異圖籍籍之議
轉盈民口公若地居衡寄任專八柄德育於民勳高於物勢不自
安於事爲可公既才均櫟木牽弓曲全因高無民得守虛靜而坐
作凶咎自闕深蠶由朕誠感無素爰至於此永尋多難悅慨實深
凡人所行各有本志朕博愛尚仁爲日已久尚能舍讎怨舉著於
觸事豈容於公不相隱忍但禍萌易漸去惡宜疾負荷之重盛得

坐觀且蔓草難除。燎火須撲。狡扇之徒。宜時誅翦。已詔司戮。肅正典刑。公身居戚長。情禮兼至。準之常科。順有惻愷。宜少申國憲。已弔不臧。今旨淮南宣城。歷陽三郡。還立南豫州。降公爲車騎將軍。開府儀同三司。南豫州刺史。削邑千戶。侍中王如故。宋書惠王傳

旨武陵王智隨繼世祖嗣詔

十月辛卯

世祖孝武皇帝。雖恃尊墮惠。勳狹政弛。樂飲無饜。事因於盜。泰任威縱。費義緣於務寡。故旨積忽。動天流殃。肴嗣景和。肇贊義嘉。成禍世祖。繼體陷憲。無遺昔皇家中。圯含生懼。滅賴英孝。感奮。瑞雪冤恥。勳繼墜歷。拯茲窮氓。繼絕追遠。禮訓攸尚。況既帝且兄。而缺斯典。今旨第九子智隨。奉世祖爲子。武陵郡。大明之世。事均代邦。可封智隨。武陵王。食邑五千戶。尋世祖一門女累不少。既無釐總。義須防閑。諸侯雖不得祖稱。天子而事有一家之切。且歸虛有所。疹疾相營。得失是任。閭房有稟。朕應天在位。恩深九族。庶此足申。

追陸之懷敷愛之旨

宋書武陵王贊傳贊初名贊隨

贈劉襲詔 六年三月

故中護軍臨澧縣開國侯志行貞純才用理濟忠勤著於艱時勲績倡乎泰運年志始壯奄焉因折悲傷惻惻實兼常懷思加寵數

旨申哀榮可贈護軍將軍加散騎常侍口如故諡曰忠侯

古列女誌劉襲墓誌

郊祀詔 五月乙亥

古禮王者每歲郊享爰及明堂自晉已來間年一郊明堂同日暨文詳略疏數有分自今可間二年一郊間歲一明堂外可詳議

宋書禮志

立晉熙王廟詔 六年

夫虎狼護子猴猿負孫毒性薄情亦有仁愛故識念氣類尚均羣品況在人倫可忘天屬晉熙太妃謝氏沈刻無親物理罕比征北

公雖孝道無替而遭此不慈自少及長闕恩鞠之口乃至休石莫
關寒溫不訪晨昏屏塞定省靡因事無違忤動致誚責毒句發口
人所難聞加惡備苦過於離隙遂事憤於宗姻義傷於行路公故
妃郝氏婦禮無違逢此嚴酷遂已憂卒用天盛年又謝氏食則豐
珍衣則文麗奉己之餘播覃羣下而諸孫穢不溫體食不充飢付
之姆妣之手縱已任軍之路遇其所生棄若糞土纏縲比於重囚
窮困過於下使誠皇規方遠沙塞將一公脩短不諱亦難豫圖兼
妾女累弱一第領主防閑之道人理斯急朕所已詔第六子燮奉
公爲盾欲已毗整一門爲公繼紹但謝氏待骨肉至親尙相棄蔑
况已義合免苦爲難患萌防漸危機須斷便可還其本家削絕蕃

秩

宋書晉熙
王昶傳

罪始安王休仁詔

七年五月

夫無將之誅諒惟通典知咎自引實有偏介劉休仁地屬密親位

居台重。朕友寄特深。寵秩兼茂。不能引贊國猷。裨宣政道。而自處
相任。妄生猜嫌。側納羣小之說。內懷不逞之志。晦景蔽迹。無事陽
恩。因近疾患。沈篤。內外憂悚。休仁規逼禁兵。謀爲亂逆。朕曲惟天
倫。未忍明法。申詔誥。礪辨敷事原。休仁慚恩懼罪。遽自引決。追尋
悲痛。情不自勝。思屈法科。召仲矜悼。可宥其二子。并全封爵。但家

國多虞。釁起台輔。永尋既往。感慨追深。

宋書始安王休仁傳

荅有司奏。始安王休仁罪狀詔。

五月

邢匹婦狂愚。不足與計。休仁知數自引。情有追傷。可特爲降始安
縣王食邑千戶。并停伯融等流徙。聽襲封爵。伯融先紹江瓊國令

還本賜爵鄉侯。

宋書始安王休仁傳

與諸方鎮及諸大臣詔。

五月

休仁致殞。卿未具悉事之始末。今疏召相示。休祐貪恣。非政法網
之所不容。昔漢梁孝王淮南厲王無它釁。恃正。召越漢制度耳。况

休祐吞嚼聚斂爲西數州之蝗取與鄙虐無復人情屢得王景文
褚淵沈攸之等啟陳其辜惡轉不可容吾篤兄弟之恩不欲致之
已法且每恨大明兄弟情薄親見休祐屯苦之時始得寬濫彌不
忍問所已改授徐州冀其去朝廷近必應能自悛革及拜徐州未
及之任便徵動萬端暴瀾愈甚既每爲民蠶不可復全休仁身粗
有知解兼爲宰相又吾與其兄弟情昵特復異常頗與休仁論休
祐擧狀休祐已休仁爲吾所親必應知吾意又云休仁言對能爲
損益遂多與財賂深相結事乃寢必同宿行必共車休仁性軟易
感說遂成繾綣共爲一家是吾所吐密言一時倒寫吾與休仁少
小異常唯虚心信之初不措疑雖爾猶慮清閑之時非意脫有聞
者吾近向休祐推情戒誨嚴切休祐更不復致疑休祐死後吾將
其內外左右問已情狀方知言語漏泄并具之由彌日懊惋心神
萎孰休仁又說休祐云汝但作佞此法自足安我常秉許爲家從

來頗得此力。但試用看有驗不。休祐從之。於是大有獻奉。言多乖實。積惡既不可恕。自休祐殞亡之始。休仁款曲共知。休仁既無辜。毀主相本若一體。吾之推意初無有間。休祐貪愚爲天下所疾。致殞之本爲民除患。兄弟無復多人。彌應思弔不咸。益相親信。休祐平生狼抗無賴。吾慮休仁往哭。或生崇禍。且吾爾日本辦仗往哭。晚定不行。吾所曰爲設方便。呼入在省。而休仁得吾召入。大自驚疑。遂入辭楊太妃。顏色狀意甚與常異。既至省。楊太妃驟遣監子去。來參察。從此日生嫌懼。而吾之推情初不疑覺。從休祐死後。吾再幸休仁。第飲噉極且。排悶入內。初無猜防。休仁坐生嫌畏。一日。吾春中多期射雉。每休仁清閑。多往雉場中。或救使陪輦。及不行。日多不見之。每值宵。休仁輒語左右云。我已復得。今日及在房內。見諸妓妾。恆語我云。不知朝夕見底。若一旦死去。作鬼亦不取汝。取汝正足亂人耳。休祐死時。日已三晡。吾射雉始從雉場出。休

仁從騎左右伏野中。吾遣人召之。稱云腹痛不堪。騎馬爾時諸王車皆停在朱雀門裏。日既暝。不暇遠呼車。吾衣書車近在離門裏。敕呼來下油幢。絡擬已載之。吾由來請悉其體。有冷患。問腹痛。知必是冷。乃敕太醫。上省送供御高梁薑飲。已賜之。休仁得飲。忽大驚。告左右稱。敗今日了。左右荅曰。此飲是御師名封題。休仁乃令左右先飲。竟猶不甚信。乃俛俛啜之。裁進一合許。安生嫌貳事事如是。由來十日。五日一就問太妃。自休祐死後。每吾詔必先至。楊太妃問如分別狀。休仁由來自營府。國興生文書。二月中。史承祖齋文書呈之。忽語承祖云。我得成許。那何煩將來。吾虛心如舊。不復見信。既懷不安。大自嫌恐。惟目情理不容。復有善心。休仁既經南討。與宿衛將帥經習狎共事。相識者布滿外內。常日出入於南下。經過與諸相識將帥。都不交言。及吾前者積日失適。休仁出入殿省。諸衛主帥。裁相悉者。無不和顏厚相撫勞。爾時我既甚惡。意

不欲見外人悠悠所傳互言差劇。休仁規欲聞知，方便使蠶度道人及勞彥遠，屢求啟闕。覘吾起居及其所啟，皆非急事。吾意亦不厝疑。吾與休仁親情實異，年少呂來恆相追隨，情向大趣，亦往往多同。難否之日，每共契闊。休仁南討爲都統，既有勳績，狀之於心，亦何極已。但休仁於吾望既不輕，小人無知，亦多挾背向。既生猜貳，不復自盜。夫禍難之由，皆意所不悟。如其意趣，人莫能測。事不獲已，反覆思惟，不得不有近日處分。夫於兄弟之情，不能無厚薄。休祐之亡，雖復悼念，猶可引理割遣。及休仁之殞，悲愍特深，千念不能已已。舉言傷心事之細碎，既不可曲載。詔文恐物不必卽解，兼欲存其兒子，不欲窮法爲詔之辭，不得不云有兵謀，非事實也。故相報卿知。

宋書始安王休仁傳

手詔王景文

尙書左僕射卿已經此任，東宮詹事用人雖美，職次正可比中書。

令耳庶姓作揚州徐于木王休元殷鐵竝處之不辭卿清才令望
何愧休元毗贊中興豈謝于木綢繆相與何後殷鐵罪司徒曰宰
相不應帶神州遠遵先旨京口鄉基義重密邇畿甸又不得不用
驃騎陝西任要山來用宗室驃騎既去巴陵理應居之中流雖曰
閑地控帶三江通接荆郢經塗之要由來有重鎮如此則揚州自
成關刺史卿若有辭更不知誰應處之此選大備與公卿疇懷非
聊爾也

宋書王景文傳景文屢辭內授上手詔警之

降殷恆詔

道矜生便有病無更橫疾恆因愚習惰从妨清斥可降爲散騎常
侍

宋書殷景仁傳道矜子恆爲侍中度支尚書屬父疾積久爲右司所奏下詔又見南齊書王奐傳南史二十七

答王景文手詔

去五月中吾病始差未堪勞役使卿等看選牒署竟請救施行此
非密事外間不容都不聞然傳事好訛由來常患殷恆妻匹婦耳

閨閣之內傳聞事復作一兩倍落漠兼謂卿是親故希卿署不必云選事獨關卿也恆妻雖是傳聞之候大都非可駭異且舉元薦凱咸由疇咨可謂唐堯不明下干其政邪悠悠好詐貴人及在事者屬卿偶不悉耳多是其周旋門生輩作其屬託貴人及在事者永無由知非徒止於京師乃至州郡縣中或有詐作書疏灼然有文迹者諸舍人右丞輩及親近驅使人慮有作其名誠禁物求停檢校彊賣眾物與官仍求交直或屬人求乞州郡資禮希謁呼召及虜發船車竝啟班下在所有卽駐錄但卿貴人不容有此啟由來有是何故獨驚之居貴要但問心若爲耳大明之世巢徐二戴位不過執戟權充入主顏師伯白衣僕射橫行尙書中令袁粲作僕射領選而人往往不知有粲粲遷爲令居之不疑今旣省錄令便居昔之錄任置省事及幹童竝依錄格粲作令來亦不異爲僕射人情向粲淡淡然亦復不改常言此居貴位要任當有致憂效

理不。卿今雖作揚州太子傅位雖貴而不關朝政可安不懼差於
案也。想卿虚心受榮有而不爲累。貴高有危殆之懼。卑賤有溝壑
之憂。張單雙災木雁兩失有心於避禍不如無心於任運。夫千仞
之木既摧於斧斤。一寸之草亦瘁於踐踏。高崖之修幹與深谷之
淺條存亡之要。巨細一揆耳。晉畢萬七戰皆獲死於牖下。蜀相費
禕從容坐談。斃於刺客。故甘心於履危。未必逢禍。縱意於處安。不
必全福。但貴者自惜。故每憂其身。賤者自輕。故易忘其已。然爲敎
者。每誠貴不誠賤。言其貴滿。好自恃也。凡名位貴達人。言在懷。泰
則觸人改容。否則行路嗟愕。至如賤者。否泰不足言。動人存亡不
足言。絀數死於溝瀆。死於塗路者。天地之間。亦復何限。人不言係
意耳。言此而推貴。何必難處。賤何必易安。但人生也。自應卑慎。爲
道行已用心。務思謹慎。若乃吉凶大期。正應委之理運。遭隨參差。
莫不由命也。既非聖人不能見吉凶之先。正是依俦於理。言可行。

而爲之耳。得吉者是其命吉。遇不吉者是其命凶。已近事論之。景
和之世。晉平庶人。從壽陽歸亂。朝人皆爲之戰慄。而乃遇中興之
運。袁顛圖避禍於襄陽。當時皆羨之。謂爲陵霄駕鳳。遂與義嘉同
滅。駱宰見幼主。語人云。越王長頸烏喙。可與共憂。不可與共樂。范
蠡去而全身。文種留而遇禍。今主上口頸。頗有越王之狀。我在尚
書中。人不去必危。遂求南江小縣。諸都令史住京師者。皆遭中興之
慶。人人蒙爵級。宰他義嘉染罪。金木纏身。性命幾絕。卿耳眼所聞。
見安危在運。何可預圖邪。宋書王景文傳上。殺青寢之等。景文懼
自陳求解揚州。請答又南史二十三

手詔劉懷珍

卿性忠謹。平所仗賴。在彼與年少共事。不可深存受益。景素兒乃

佳。但不能接物。頗亦墮事。卿每諫之。

南齊書劉懷珍傳。建平王景素爲南州。徒懷珍在軍司馬。

遷南郡太守。加監朔將軍。明帝手詔懷珍奉旨。

寢疾。又詔。

卿不應乃作景素佐才舊所寄今徵卿參一衛直

南齊書劉
懷珍傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷八終

全宋文卷九

烏程嚴可均校輯

明帝 二

與劉劭張興世蕭道成詔暴吳喜罪

秦像元年

吳喜出自卑寒少被驅使利口任詐輕狡萬端自元嘉已來便充
刀筆小役賣弄威恩苟取物情處處交結皆爲黨與眾中常已正
直爲詞而內實阿媚每仗計數運其佞巧甘言說色曲已事人不
忠不平彰於觸事從來作諸署主意所不協者覓罪委頓之已示
薄直而餘人恣意爲非一不檢問故甚得物情昔大明中黜獄二
縣有亡命數千人攻破縣邑殺害官長劉子向在會稽再遣爲主
帥領三千精甲水陸討伐再往失利孝武已喜將數十人至二縣
說誘羣賊賊卽歸降詭數幻惑乃能如此故每豫驅馳窮諸狡慝
及秦始初東征止有三百人直造三吳凡再經薄戰而自破闔已

東至海十郡無不清蕩百姓聞吳河東來便望風自退若非積取
三吳人情何日得弭伏如此其統軍寬慢無章放恣諸將無所裁
檢故部曲爲之致力觀其意趣止在賊平之後應力爲國討喜初
東征發都指天畫地云得劉子房卽當屏除袁標等皆加斬戮使
略無生口旣平之後緩兵施恩納罪人之貨誘諸賊帥令各逃歸
受賄得物不可稱紀聽諸賊帥假稱爲降而擁衛子房遂得生歸
朝廷收羅羣逆皆作爪牙撫接優密過於義士推此意正是開南
賊大盛殷孝祖戰亡人情大惡慮逆徒得志規曰自免喜善爲姦
變每曰計數自將於朝廷時三吳首獻應捷於南賊則不殺其黨
願著陰誠當云東人惟怯望風自散皆是彼無處分非其苦相逼
迫保全子房及顧琛等足表丹誠進退二塗可曰無忠南賊未平
唯曰軍糧爲急西南及北道斷不通東土新平商運稀簡朝廷乃
至鬻官賣爵曰救災困斗斛收斂猶有不充喜任楮所軍主者頓

偷一百二十斛米初不問罪諸軍主皆云官治喜不獲已止與三十鞭又不責備凡所曲意類皆如此喜至荊州公私殷富錢物無復子遺喜乘兵威之盛誅求推檢凡所課責既無定科又嚴令驅蹙皆使立辦所使之人莫非姦猾因公行私迫脇在所人官之物侵竊過半納資請託不知厭已西雉旣殄便應還朝而解故槃停託云扞蜀實由貨易交關事未回展又遣人人鬻矯詔慰勞賤伐所得一已入私又遣部下將吏兼囚土地富人往襄陽或蜀漢屬託郡縣侵官害民興生求利千端萬緒從西還天編小艦爰及草舫錢米布絹無船不滿自喜已下迨至小將人人重載莫不兼資喜本小人多被使役經山水陸州郡殆徧所至之處帆結物情妄竊善稱聲滿天下密懷姦惡人莫之知喜軍中諸將非劫便賊惟云賊何須殺但取之必得其用雖復羸弱亦言健兒可惜天下未平但令曰功贖罪處遇料理反勝勞人此輩所感唯喜莫云恩由

朝廷因惡不革恆出醜聲勞人義士相與歎息故云我等不愛性命繫擒此賊朝廷不肯殺去反與我齊今天下若更有賊我不復能擊也此等既隨喜行多無功效或隱在眾後或在幔幄中眠賊既破散與勞人同受爵賞既被詰問辭白百端云此輩既見原有擊賊有功那得不依例加賞褚淵往南選諸將卒喜爲軍中經爲賊者就淵求官倍於義士淵曰喜最前獻捷名位已通又爲統副難相違拒是已得官受賞反多義人義人雖忿喜不平又懷其寬弛往歲竺超之聞四方反叛人情畏賊無敢求爲朝廷行者乃慨然揆步隨喜出征爲其軍副身經臨敵自東還失喜意說超之多酒不堪驅使遂相委棄高敬祖半宿氣力實健其有處分爲軍中所稱喜薄其衰老云無所施正曰二人忠清與己異行超之爲人乃多飲酒計喜軍中主帥豈無飲酒者特是不利超之故曰酒致言耳敬祖既無餘事直云年老託爲乞郡潛相遺斥其餘主

帥此貪濁諂媚之流皆提攜東西不相離捨喜聞天壤間有罪人死應繫者必啟曰入軍皆得官爵厚被處遇應入死之人緣已得活非唯得活又復如意人非木石何能不感設令吾攻喜門此輩誰不致力但是喜不敢生心耳喜軍中人皆是喜身爪牙豈關於國喜自得軍號曰來多置吏佐是人加板無復限極爲兄弟子姪及其同堂羣從乞東名縣連城四五皆灼然巧盜侵官奪私亡命罪人州郡不得討崎嶇蔽匿必也黨護臺州符旨殆不復行船車牛犢應爲公家所假借者託之於喜吏司便不攷問他縣奴婢入界傾略百姓牛犢輒牽殺噉州郡應及役者並人喜家喜兄茹公等悉下取錢盈村滿里諸吳媼親就人間徵求無復紀極百姓噉然人人悉苦喜具知此初不禁呵索惠子罪不甚江念旣已被恩得免憲辟小小忤意輒加刑斬張悅賊中大帥逼迫歸降沈攸之錄付喜云殺活當由朝廷將帥征伐既有常體自應執歸之有司

喜卽便打鐵解襦與箸對膝圍棋仍造重義私惠招物觸事如斯張靈度因思小人背叛之首喜在西轍恕其罪私將下都與之周旋情若同體狼子野心獨懷毒性遂與柳欣尉等謀立劉禪吾使喜錄之而喜密報令去去未得遠爲建康所錄喜背國親惡乃至於是初從西反圖兼右丞貪因事物自行私詐吾患其詭曲抑而不許從此怨對意用不平喜西救汝陰縱肆兵將掠暴居民姦人婦女逼奪雞犬虜略縱橫緣路官長莫敢呵問脫誤有縛錄一人喜輒大怒百姓呼嗟人人失望近段佛榮求還乃欲用喜代之西人聞其當來皆欲叛走云吳軍中人皆是生劫若作刺史吾等豈有活路旣無他計正當叛投虜耳夫伐罪弔民用清國道豈有殘虐無辜剝奪爲務害政妨國罔上附下罪疊若此而可入容臧文仲有云見有善於其君如孝子之養父母見有惡於君若鷹鷂之逐鳥雀耿弇不曰賊遺君父前史曰爲美談而喜軍中五千人皆

親經反逆。攜養左右。豈有奉上之心。喜意志。張大。每稱漢高。魏武。本是何人。近忽通啟。求解軍任。乞中散大夫。喜是何人。乃敢作此舉止。且當今邊疆未寧。正是喜輸。號領之日。若曰自處之宜。當節儉廉慎。靜埽閉門。不與外物交關。專心奉上。何得自其。雖螭。高自比擬。當是自願。愆覺。事宜。遐邇。又見壽寂之流。徒施脩林。被擊。物惡傷類。內懷憂恐。故興此計。圖欲自安。朝廷之士。及大臣藩鎮。喜殆無所畏者。畏者唯我一人耳。人生脩短。不可豫量。若我壽百年。世間無喜。何所虧損。若使吾四月中。疾患不得治力。天下豈可有喜一人。尋喜心迹。不可奉守文之主。豈可遭國家間隙。有可乘之會。邾世人多云。時可畏。國政嚴。歷觀有天下。御億兆。仗威齊眾。何代不然。故上古象刑。民洎不犯。後聖懲僞。易曰。剝墨。唐堯至仁。不赦四凶之罪。漢高大度。而急三傑之誅。且太公爲治。先華士之刑。宣尼作宰。肆少正之戮。自昔力安社稷。功濟蒼生。班劭引前。笏鼓。

陪後不能保此者。歷代無數。養之曰福。十分有一耳。至若喜之深。罪其得免乎。夫富之與貴。雖曰功績致之。必由道德守之。故善始者未足稱奇。令終者乃可重耳。凡置官養士。本在利國。當其爲利。愛之如赤子。及其爲害。畏之若仇讎。豈暇遠尋初功。而應忍受終。敝耳。將之爲用。譬如餌藥。當人羸冷。資散石曰全身。及熱勢發動。去堅積。曰止患。豈憶始時之益。不計後日之損。存前者之賞。抑當今之罰。非忘其功。勢不獲已耳。喜罪疊山積。志意難容。雖有功效。不足自補。交爲國患。焉得不除。且欲防微杜漸。憂在未萌。不欲方輒露其罪惡。明當嚴詔切之。令自爲其所。卿諸人將相大臣。股肱所寄。賞罰事重。應與卿等論之。卿意竝謂云何。宋書吳喜傳。帝將賜喜死。先一日與

劉勳張舉世齊王語

賜王景文死手詔 太豫元年三月

與卿周旋。欲全卿門戶。故有此處分。宋書王景文傳。王疾篤。乃遣使送藥。賜景文死。

選品 四月

朕自臨御億兆仍屬茂寇雖每存弘化而惠弗覃遠軍國凋弊刑訟未息今大漸維危載深於歎可緩徭優調去繁就約因改之宜詳有簡衷務呂愛民爲先日宣朕遺意

宋書明帝紀

崇接道猛法師詔無年月

猛法師風道多濟朕素賓友可月給錢三萬令史四人白障吏二

十人車及步舉各一乘乘舉至容省

高僧傳 猛西涼州人東遊建業上東安寺繪閣講席明

帝深相崇接

追崇江夏王義恭令書

故中書監太宰領太尉錄尚書事江夏王道性淵深睿鑒通遠樹聲列藩宣風鉉德位隆姬輔任屬負圖勤勞國家方熙託付之重盡心毗導永融雍穆之化而凶醜忌威奄加冤害夷戮有暴殄空無間憤達幽明痛貫胡野朕蒙險在難念哀莫申幸賴宗祏之靈

克慕所天之祚，仰惟勳威，震動於厥心。昔梁王徵庸，警蹕備禮，東平好善，黃屋在廷。況公德猷弘，懋彝典，未殊者哉。可追崇使持節，侍中，都督中外諸軍事，丞相，領太尉，中書監，錄尚書事。王如故，給九旒鸞輅，虎賁班劍百人。前後部羽葆鼓吹，輜輶車。宋書江夏王義恭傳太宗定亂令書云云

加擢路休之等令書 未卽位時

太皇太后蚤承愛遇，沿情卽事，同於天屬。前車騎谷議參軍，路休之前，丹陽丞，路茂之，崇憲密戚，蚤延榮貴，竝懷所勳，宜殊恆飾。休之可黃門侍郎，領步兵校尉。茂之可中書侍郎。宋書文帝路淑媛視路太后之心乃下令書

恤柳元景令 初卽位

故侍中尚書令驃騎大將軍巴東郡開國公欸，除開府儀同三司。南豫州刺史元景，風度弘簡，體局深沈，正義亮時，恭素純物，幽明

道盡則首符孝圖盛運開歷則毗變皇化方任乎漢輔業懋殷復
而蜂豺肆淫顯加鵬毒冤動勁烈悲深朝貫朕承七廟之靈纂臨
實業情典既申痛悼彌軫宜崇賁徽冊已旌忠懿可追贈使持節
都督南豫江三州諸軍事太尉侍中刺史國公如故給班劔三十
人羽葆鼓吹一詔謚曰忠烈公

宋書補元景傳

招集舊僧令

先帝建中興及新安諸寺所已長世垂範弘宣盛化頃遇昏虐法
像殘毀師徒奔迸甚已矜懷妙訓淵謀有扶名教可招集舊僧晉
各還本竝使材官隨宜脩復

宋書天竺迦毗黎國傳前廢帝毀廢新安寺驅斥僧徒尋又毀天寶諸寺

太宗定亂下令

宣旨永嘉王子仁

汝一家門戶不建幾覆社稷天未亡宋景命集我上流迷愚相扇
四海同惡若非我脩德御天下三祖基業一朝墜地汝輩便應淪

於異族之手。我昔兄弟近二十人。零落相繼。存者無幾。唯司徒年長令德。作輔皇家。門戶所憑。唯我與司徒二人而已。尙未能厭百姓。姦心餘諸王。亦未堪贊治。我惟有太子一人。司徒世子。年又幼弱。桂陽巴陵。竝未有繼體。止賴汝輩兄弟相倚。爲彊。庶使天下不敢圖覘王室。汝輩始十餘歲。我知俛仰。當今諸舍細弱。殆不免人輕陵。若非我爲主。劉氏不辦。今日汝諸兄冲眇。爲羣困所逼。誤遂與百姓。選圖骨肉。於汝在心。不得無愧。卽日四海就寧。恩化方始。方今處汝湘州。汝年漸長。足知善惡。當每思刻厲。奉朝廷爲心。爵秩自然。與年俱進。我垂猶子之情。著於萬物。汝亦當知好。憶我教旨。宋書永嘉王子仁傳太宗遣主書趙扶公首旨未幾召建安王休仁言賜死

與始安王休仁書

此段殊得蘇侯兄弟力

宋書始安王休仁傳初行與蘇侯神結爲兄弟及事平太宗與休仁書

與巴陵王休若書

二年

孝建大明中汝敢行此邪

宋書巴陵王休若傳休若轉報

報巴陵王休若

七年二月

吾與驃騎南山射雉驃騎馬驚與直閣夏文秀馬相踰文秀墜地

驃騎失鞍馬驚觸松樹墜地落硯中時頓悶不識人故馳報弟

宋晉平王休祜傳上既殺休祜時巴陵王休若在江陵其日即馳信報休若

與桂陽王休範書

七年七月

外間有一師姓徐名緒之狀如狂病自云爲塗步郎所使去三月

中忽云神語道巴陵王應作天子汝使巴陵王密知之於是師便

訪覓休若左右人不能得東宮典書姓何者相識數去來師解神

語東宮典書具道神語東宮典書答云我識巴陵間一左右當爲

汝向道數日東宮典書復來語師云我已爲汝語巴陵左右道因

達巴陵巴陵具知云莫聲但聽又頃者史官奏天文占候頗云休

若應挾異端神道茫昧乃不可全信然前後相準略亦不無髣髴

且帖肆開自大明。呂來有若好之謠。於今未止。詔若百重章句。皆
配。呂美辭美事。諸不逞之徒。咸云。必是休若。休若且知道路有異。
音里巷有若好之謠。在西已奇懼。致王敬先吐猖狂之言。近休。休
仁被誅。休若彌不自安。又左右多是不相當。負罪之徒。恆說呂
道路之言。卽動之相與。唱云。萬民之心。屬在休若。感激其意。尋你
若從來心迹。殊有可嫌。劉亮問高次祖。汝一應識此人。當給休若
休若在東。縱恣羣下。無本末。還朝被貶。爵位小退。次祖被亮使歸。
過問訊。大泣。語次祖云。我東行是一段功。在郡橫爲羣小輩過失。
大被貶降。我實憤怨。不解劉輔國何意不作。次祖啟云。劉輔國蒙
朝廷生成之恩。豈容有此理。推此已是有奇意。吾使諸王在蕃。正
令優遊而已。本不日武事。而休若在西。廣召弓馬健兒。都不啟聞。
又戾道明等。昔親爲賊。罪應萬死。休若至西。大信遇之。乃潛將往。
不啟京。吾知汝意。謂休若處奉。因事事何如。心迹旣不復可測。因

其還朝在，第與書事事詰諄於內，許密自引分狀如暴疾，致故差得於其名位及見子，悉得全也。休若既是汝弟，使其狠心得申者，汝得守治城邊，作太尉公邪？非但事關計，亦於汝甚切。汝可密白荀太妃令知。宋書巴陵王休若傳：休若既死，上與驃騎大將軍桂陽王休範書。

報書

鄭脩容有兄喪，令成服。汝可令汝內人知之，再報休祐、休範二家內人知也。或報，潘化開帖一

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷九終

全宋文卷十

烏程嚴可均校輯

後廢帝

帝諱昱，字德融，小字慧震，明帝長子。泰始三年立爲皇太子。泰豫元年四月卽位。明年改元元徽。在位五年，爲其下楊玉夫等所弑。

卽位遣大使巡省詔

泰豫元年六月

夫興王經制，實先民隱，方求廣放，刑於四維。朕自熒眇，夙膺寶祿，永言民政，未接聽覽。眷言乃願，無忘鑿寐。可遣大使分行四方，觀採風謠，問其疾苦，有拂民法，不便俗者，悉各條奏。若守宰威恩可紀，廉勤允著，依事騰聞。如獄訟誣枉，職事紕繆，惰公存私，害民利己者，無或隱昧。廣納芻輿之議，博求獻藝之規。巡省之道，務令精洽，深簡行識，俾若朕親覽焉。

宋書後廢帝紀

廣薦舉詔

夫寢夢期賢往誥垂美物色求良前書稱盛朕日冲昧嗣膺寶業
思仰述聖猷勉弘政道與言多士常想得人可晉下牧守廣加搜
採其有孝友間族義讓光閭或匿名屠釣隱身耕牧足日整厲澆
風扶益消化者凡厥一善咸無遺逸虛輪仁帛俟聞嘉薦宋書後
廢布紀
詔祭景玄 八月

景玄表如此故散騎常侍中書監左光祿大夫開府儀同三司樂
安縣開國伯興宗忠恪立朝謀猷宣著往屬時難勳亮帷幄錫珪
分壤實允通誥而懇誠慊訴備彰存沒廉槩素情有絜聲軌景玄
固陳先志良目惻然雖彝典宜全而哀款難奪可特申不瞑之請
永於克讓之風宋書然翹宗傳興宗遺令薄葬奏還封爵追贈後
按子景玄固辭不受又奏還封表疏十餘上見計

大赦詔 元徽元年正月

夫緩法昭恩，裁風茂典，鑄憲貸書，訓俗彝義。朕臨馭宸樞，實制氓
寓，式存寬簡。思孚矜惠，今開元肆宥。萬品惟新，凡茲流斥，宜均弘
洗。自元年以前，貽罪從放者，悉聽還本土。宋書後廢帝紀

申土斷詔

八月辛亥

分方正俗，著自虞冊。川谷異制，煥乎姬典。故井遂有辨，閭伍無雜。
用能七教克宣，八政斯序。雖縣代殊軌，沿革異儀。或民懷遷俗，或
國尚輿徙。漢陽列燕代之家，關西熾齊楚之族。竝通籍新邑，卽居
成舊。洎金行委御，禮樂南移。中州黎庶，襁負揚越。聖武造運，道一
閭區。貽長世之規，申土斷之制。而夷險相因，盈晦遞襲。歲僅凋流，
戎役情散。違鄉寓境，漸至繁積。宜式遵鴻軌，已爲水憲。庶阜俗昌
民，反風定保。夷胥山之險，澄瀚海之波。括河圖於九服，振玉軻於
五都矣。宋書後廢帝紀

因旱下詔省刑

八月甲寅

比亢序愆度雷熏燿唇有傷秋稼方貽民瘼朕以眇疾未弘政道
困圖尙繁枉滯猶積夕厲晨矜每測於懷尙書令可與執法目下
就訊眾獄使冤訟洗遂困弊昭蘇頒下州郡咸令無壅宋書後廢
帝紀又見
袁粲傳亢序作元序夕厲晨
矜作晨競夕厲出弊作頽弊
蠲改湘江二州徵課詔九月壬午

國賦氓稅蓋有恆品往屬戎難務先軍實徵課之宜或乖昔準湘
江二州糧運偏積調役既繁庶徒彌擾因循權政容有未革民單
力弊歲月愈甚永言矜歎情兼宵寐可遣使到所明加詳察其輸
違舊令役非公限者竝卽蠲改具條目聞宋書後
廢帝紀

恤劉勳詔元徵初

夫義實天經忠惟人則篆素流采金石宣輝自非識洞情靈理感
生極豈有捐驅衛主舍命匡朝者哉故持節鎮軍將軍守尚書右
僕射中領軍鄱陽縣開國侯勳思懷亮粹體業淹明弘勳樹績舉

洽華野，網繆顧託，契闊屯夷，方倚謀猷。登康帝道，逆蕃扇禍，逼擾京甸，援梓誓旅，奉律行師，身與事滅，名隨操遠，朕用傷悼，震慟於厥心。昔王允秉誠，卞壺峻節，均風往德，歸茂先軌，泉途就永，冤逝無追，思崇徵策，式光悼史，可贈散騎常侍司空，本官俟如故。諡曰

忠昭公。

宋書劉勳傳

通淹滯詔二年四月

頃列爵敘勳，銓榮酬義，條流積廣，又各淹閣，歲往事留，理至滯塞，在所參差，多違甄飭，賞未均洽，每歎厥心，可悉依舊準，竝下注職。

宋書後廢帝紀

禁侈費詔五月

頃國賦多騫，公儲罕給，近治戎雖淺，而軍費已多，廩藏虛罄，難用馭遠，宜矯革滛長，務在節儉，其供奉服御，悉就減撤，雕文靡麗，廢而勿修，凡諸游費，一皆禁斷，外可詳爲科格。

宋書後廢帝紀

敦素約詔 三年閏三月

頃民俗滋弊國度未殷歲時屢饑編戶不給且邊處尙警徭費彌繁永言夕惕寢興增歎思弘豐耗之制目敦約素之風庶倚蓄拯民曰康治道大官珍膳御府懸服諸所供擬一皆減徹可詳爲其格務從簡衷

宋書後廢帝紀

別敕李安民

元徽初

九江須防邊備宜重今有此授目增郢郢之勢無所致辭也

南齊書李

安民傳

稱太后令殺豫章王子尚

子尚頑凶極悻行乖天理楚玉姪亂縱慝義絕人經竝可於第賜

盡

宋書豫章王子尚傳楚玉山陰公主也

順帝

帝諱準字仲謀

文選褚淵碑注引宋書作仲謀

小字智觀明帝第三子封安成

王歷揚州刺史都督揚南豫二州諸軍事驍騎大將軍元徽五年七月後廢帝遇弒奉迎卽位改元昇明在位三年禪于齊踰月薨年十三諡曰順帝

約損詔

昇明元年

露臺息構義光漢德維裘焚制事隆晉道故曰檢奢軌化敦儉馭俗頃旬服未靜師旅連年委蓄屢空勞蔽莫偃而丹腹之飭靡耗難訾寶賂之費徵賦靡計今車服儀制實宜約損使徽章有序勿得侈溢可罷省御府二署凡工麗雕鏤傷風毀治一皆禁斷庶永昭憲則弘茲始政

宋書廢帝紀

求賢才詔

九月

昔聖王既沒清風已衰龜書永漣龍圖長祕故三代之末德刑相授世淪物競道陂人詖然猶正士比轂奇才接軫朕襲運金樞纂靈瑤極負辰巡政日晏忘疲永言興替望古盈慮姬夏典載猶傳

細帙漢魏餘文布在方冊故元封與茂才之制地節勅獨行之品
振維務本存乎得人今可宣下州郡搜揚幽仄標采鄉邑隨名薦
上朕將親覽甄其茂異庶野無遺彥永激遐芬

宋書順帝紀

授爵楊文度等詔

開十二月

茂賞有章實昭國度疇庸斯炳載宣史冊督北秦州諸軍事靈朔
將軍李羌校尉北秦州刺史武都王文度門乘輝龍世榮邊邑忠
果既亮才勁兼彰龍驤將軍楊文弘肅協成規躬提梓鼓申稜百
頃席捲蘭皋功烈之美竝足嘉歎宜膺爵授目酬勳緒文度可使
持節都督北秦雍二州諸軍事征西將軍刺史校尉悉如故文弘

將軍略陽太守

宋書氏胡傳

詔諡王敬弘

二年

夫塗祕蘭幽貞芳載越徽猷沈遠懋禮彌昭故侍中左光祿大夫
開府儀同三司敬弘神韻沖簡識寓標峻德敷象魏道謁丘園高

挹榮冕。凝心塵外。清光粹軌。振俗清風。兼日累朝廷賞。聲華在詠。而嘉篆闕文。猷策韜裏。尙想遙芬。興懷寢席。便可詳定輝謚。式旌

追典。

宋書王敬弘傳

荅齊王劾黃回詔二年四月

黃回擢白凡豎。夙負疵釁。貫目盡網。收其搏噬。雖勤効累著。而屑懷干紀。新亭背叛。投拜寇場。異規既扇。廟律幾殆。幸得張敬兒提戈直奮。元惡受戮。及景素結逆。履霜厥久。乃密通音譯。潛送器械。氛沴克霽。狡謀方顯。每存容掩。冀能懷革。故褒茅升爵。均榮勳寵。凶諛有本。險惡滋深。搆誘敬兒。志相攻陷。悖圖未遂。狼戾彌甚。近軍次郢鎮。劫逼府主。兼挾私計。多所徵索。主局容疑。使加捶楚。專肆暴慢。罔顧彝則。膺收西蕃。徵賁惟厚。曾不知感。猶懷忿怨。李安民。述任河濟。星管未周。貪據衽要。苦斷回奔。黠謁弗已。叨侈無度。遂請求御輿。僭擬私飾。又招萃賊黨。初不啟聞。傷風蠹化。莫此之

甚宜明繩裁肅正刑書便收付廷尉依法窮治

宋書黃回傳齊王黃回終爲禍亂

上表

詔荅

詔荅王僧虔

僧虔表如此夫鐘鼓旣陳雅頌斯辨所已懋感人祇化動翔泳頌自金籥弛韻羽份未凝正俗移風良在茲且昔阮咸清議王度昭奇樂緒增脩異世同功矣便可付外遵誥

宋書樂志一昇明二年尙書令王僧虔上表并

論三調

孝懿蕭后

后諱文壽蘭陵蘭陵人武帝繼母義熙中拜豫章公太夫人進宋王太妃武帝受禪尊爲太后少帝卽位尊爲太皇太后景平元年崩年八十一

遺令

孝皇背世五十餘年古不附葬且漢世帝后陵皆異處今可於塋

域之內別爲一壙。孝皇陵墳本用素門之禮。與王者制度奢儉不同。婦人禮有所從。可一遵往式。宋書孝宗

滿皇后傳

武張夫人

夫人少帝母。武帝受禪。拜爲夫人。少帝卽位。尊爲皇太后。及徐羨之等行廢立。隨還璽綬。元嘉元年。拜榮陽王太妃。

廢少帝爲榮陽王令

王室不造。天禍未悔。先帝創業。弗永棄世。登遐。義符長嗣。屬當天位。不謂窮凶極悖。一至於此。大行在殯。宇內哀惶。幸災肆於悖詞。喜容表於在戚。至乃徵召樂府。鳩集伶官。優倡管弦。靡不備奏。珍羞甘膳。有加平日。採擇媵御。產子就宮。颯然無忤。醜聲四達。及懿后崩背。重加天罰。親與左右。執紼歌呼。推排梓宮。林掌笑譎。殿省備聞。加復日夜。媒狎羣小。慢戲。誑造千計。費用萬端。帑藏空虛。人力殫盡。刑罰苛虐。幽囚日增。居帝王之位。好阜隸之役。處萬乘之

尊悅廝養之事親執鞭撻毆擊無辜已爲笑樂穿池築觀朝成暮毀徵發工匠疲極兆民遠近歎嗟人神怨怒社稷將墜豈可復嗣守洪業君臨萬邦今廢爲榮陽王一依漢昌邑晉海西故事奉迎鎮西將軍宜都王義隆入纂皇統宋書少帝紀景平二年五月徐羨之等稱皇太后令廢帝爲榮陽王

孝武文穆王后

后諱憲娥琅琊臨沂人元嘉中拜武陵王妃生廢帝孝武卽位立爲皇后廢帝卽位尊爲皇太后

暴前廢帝罪令

司徒領護軍八座子業雖曰嫡長少稟凶毒不仁不孝著自髻鬢孝武棄世屬當辰厯自梓宮在殯喜容靦然天罰重離歡恣滋甚逼召內外維持忍虐未露而凶慘難抑一旦肆禍遂縱戮上宰殄害輔臣子鸞兄弟先帝鍾愛含忍既往枉加屠酷起茂親作扞橫

相徵討。新蔡公上通離夫族。幽置深宮。詭云夢殞。實事甫爾。喪禮頓釋。昏酷長夜。庶事傾遺。朝賢舊勳。棄若遺土。管絃不輟。珍羞備膳。詈辱祖考。旨爲戲謔。行游莫止。淫縱無度。肆宴園陵。規圖發掘。誅翦無辜。籍略婦女。建樹僞豎。莫知誰息。拜嬖立后。度過恆典。宗室密戚。遇若婢僕。鞭捶陵曳。無復尊卑。南平一門。特鍾其酷。反天滅理。顯暴萬端。苛罰酷令。終無紀極。夏桀殷辛。未足比譬。闔朝業業。人不自保。百姓遑遑。手足靡厝。行穢禽獸。罪盈三千。高祖之業。將泯。七廟之享。幾絕。吾老疾沈篤。每規禍鴆。憂煎漏刻。氣命無幾。開闢日降。所未嘗聞。遠近思奮。十室而九。衛將軍湘東王。體自太祖。天縱英聖。文皇鍾愛。寵冠列藩。吾早識神容。特兼常禮。潛運宏規。義士投袂。獨夫旣殞。懸首白旗。社稷再興。宗祏未固。人鬼屬心。大命允集。且勳德高邈。大業攸歸。宜遵漢晉。纂承皇極。王者詳舊典。日時奉行。未亡人餘年。不幸嬰此百艱。永尋情事。雖存若殞。當

復奈何當復奈何宋書前廢帝紀

明恭皇后

后諱貞風，瑯邪臨沂人。元嘉二十五年，拜瑯邪王妃，尋改拜州東王妃。明帝卽位，立爲皇后。後廢帝卽位，尊爲皇太后。齊受禪，拜汝陰王太妃。建元元年薨，追諡曰恭皇后。

問沈攸之令

久勞於外，宜還京輦。然任寄之重，換代殊爲未易。還止之宜，一已

相委。

宋書沈攸之傳元徽二年羣公稱皇太后令遣中使問攸之

斥後廢帝令

衛將軍領軍中書監八座，昱已冢嫡嗣，登皇統，庶其體識日弘。社稷有寄，豈意窮凶極悖。自幼而長，善無細而不違。惡有大而必蹈。前後訓誘，常加隱蔽。隨戾難移，日月滋甚。棄冠毀冕，長襲戎衣。犬馬是狎，鷹隼是愛。早歷軒殿之中，講繅宸扆之側。至乃單騎遠郊。

獨宿深野，手揮子鋌，躬行刳斫，白刃爲弄器，斬害爲恆務，捨交戟之衛，委天畢之儀，趨步閭闔，酣詈鑪肆，宵遊忘返，寔寢營舍，奪人子女，掠人財物，方筭所不書，振古所未聞，沈勃儒士，孫超功臣，幼文兄弟，竝豫勳効，四人無罪，一朝同戮，飛鏃鼓劍，孩稚無遺，屠裂肝腸，已爲戲謔，投骸江流，已爲權笑，又淫費無度，帑藏空竭，橫賦閹河，專充別蓄，黔庶嗷嗷，厝生無所，吾與其所生，每厲已義，方遂謀鴆毒，將騁凶忿，沈憂假日，慮不終朝，自昔辛癸，爰及幽厲，方之於此，未譬萬分，民怨旣深，神怒已積，七廟阽危，四海籠氣，廢昏立明，前代令範，况迺滅義，反道，天人所棄，覺深牧野，理絕桐宮，故密令蕭領軍潛運明略，幽顯協規，普天同泰，驃騎大將軍安成王體自太宗，天挺淹叡，風神凝遠，德映在田，地隆親茂，皇厯攸歸，億兆係心，含生屬望，宜光奉祖宗，臨享萬國，便依舊典，已時奉行，未亡人追往傷懷，永言感絕。

宋書後廢帝紀

葬後廢帝命

昱窮凶極暴自取灰滅雖曰罪招能無傷悼棄同品庶顧所不忍可特追封蒼梧郡王葬丹陽秣陵縣郊壇西

宋書後廢帝紀

昭容謝氏

謝氏孝武末拜昭容泰始初居景監園

請還子嗣本屬表

故東平沖王休倩託夢璿極岐嶷夙表降年弗永遺胤莫傳孝武皇帝敕妾子臣子嗣出繼爲後旣承國祀方奉丞薦庶覃遐慶式延於遠而妾顏訓養非恩撫導乖理情闕引進義違負輟昔世祖平日說申慈愛崩背未幾真性便發猶逼畏崇憲少欲藏掩自茲已後專縱嚴酷實顯布宗戚宣灼宮闈用傷人倫爰惻行路妾天屬其至感切實深伏願乾渥廣臨曲垂照賜復改命還依本屬則妾母子雖聞之辰猶生之年

宋書東平王子嗣傳子嗣繼東平沖王休倩休倩母顏性理嚴酷泰始二

年子嗣所生母景靈
園昭容謝上表詩之

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十終

全宋文卷十一

烏程嚴可均校輯

長沙王義欣

義欣長沙王道憐長子永初三年嗣封歷中領軍征虜將軍書
州刺史魏郡太守成石頭文帝卽位進號後將軍加散騎常侍
出爲南兖州刺史遷使持節監豫司雍并四州諸軍豫州刺史
鎮壽陽進號鎮軍將軍元嘉十六年薨追贈征西將軍開府儀
同三司謚曰成王

陳江淮事宜

江淮左右土瘠民疏頃年日來薦饑相襲百城彫弊於今爲甚綏
牧之宜必俟良吏勞人武夫不經政術統內官長多非才授東南
殷實猶或簡能況賓接荒垂而可斬案頓闕願敕選部必使任得
其人庶得不勞而治

宋書長沙
王道憐傳

上言申季歷治績

所統威遠將軍北譙梁二郡太守關中侯申季歷自奉職邦畿於
茲五年信惠竝宣威化兼著外清姦暴內輯民黎役賦均平閭井
齊肅綏穆初附招攜荒遠郊境之外仰澤懷風爵賞之授積能是
顯宜升階秩曰崇獎勸宋書王歆之傳元嘉九年豫州刺史長沙王義欣上言

檄司兗二州

夫王者之兵曰義德相濟非徒墮理土地恢廣經略將曰大庇蒼
生保全黎庶是曰蒙踐霜雪踰歷險難匡國寧民肅清四表昔我
高祖武皇帝誕膺明命爰造區夏內夷篡逆外盜寇亂靈武紛紜
雷動風舉響軼龍堆聲浮雲朔陵天振地援山蕩海於是華域肅
清謳歌允集王綱帝典煥哉惟文太和烟燼流澤洋溢中葉諒闇
委政冢宰黠虜乘釁侵侮上國遂令司兗良民復陷非所周鄭遺
黎重隔王化聖皇踐旌重光開明明哲柔遠曰隆中興遐夷慕義

宋書
道作書

雲騰波涌，方將蹈德履信，被藝襲文，增修業統，作規於後，勤施於
於三方，惠和雍於北狄，夫養魚者除其偏獮，育禽者去其豺狼，故
習士研其慮，勇夫厲其節，嘉謀動蒼天，精氣貫辰緯，幕府忝任，稟
承廟算，翦爪明衣，誓不顧命，提吳楚之勁卒，總八州之銳士，紅旗
絳天，素甲奪日，虎步中原，龍超河洛，興雲散雨，慰大旱之思，弔民
伐罪，積後已之情，師召順動，何征而不克，況乎遵養耆昧，綏復境
土而已哉，昔淮泗初開，狡徒縱逸，王旅人關，羣豎颯扇，襄邑之戰，
素旗授首，半城之役，伏尸蔽野，支解體分，羽翼摧挫，加呂構難，西
虜結怨，黃龍控弦，燔滅首尾，逼畏蜂屯，蟻聚假息，旦夕豈復能超
蹈長河，呂當堂堂之陳哉，夫順從遺速，歸德惡晚，賞暨先附，威加
後服，是呂秦趙羈旅，披榛委誠，施絃乘軒，剖符州郡，慕容姚泓恃
強作禍，提挈萬里，卒嬰缺鉞，皆目前之誠驗，往世之所知也，聖上
明發愛恤，呂道懷二州士民，若能審決安危，翻然革面，率其支黨，

歸投軍門者當表言天臺隨才敘用如其迷心不悛竄首巢穴長圍既周臨衝四至雖欲壺漿厥篚其可得乎幸加三思詳擇利害

宋書索虜傳元嘉七年後將軍長沙王

義欣出鎮彭城總統羣帥機司充二州

臨川王義慶

義慶長沙王道憐次子爲臨川武烈王道胤後永初元年襲封徵爲侍中元嘉初轉散騎常侍祕書監徙度支尙書遷丹陽尹尋加尙書左僕射解職加中書令進前將軍出爲平西將軍荆州刺史改授衛將軍江州刺史又改南兖州刺史加開府儀同三司薨贈侍中司空諡曰康王有世說八卷集八卷

筮筮賦

疾牽化而始造魯幸奇而後珍名啟端於雅引器荷初學記重於

吳君等齊歌旨無譬似秦筆而非羣魏文類聚四初學記十六

鶴賦

其狀也紺絡頸而成飾，頰點首曰表儀，羽凝素而雪映，尾舒玄而參差，趾象蚪曰振步，形亞鳳曰擅奇。故文類聚九十一

山雞賦

形鳳婉而鶴峙，羽袞蔚而紺暉，臨渌淵而映藻，傷青崖而妍飛，不隱耀而貽累，倏見屈於虞機。故文類聚九十一

薦庾實等表

詔書疇咨羣司，延及連牧，旌賢仄陋，拔善幽遐，伏惟陛下惠哲光宣，經緯明遠，皇階藻曜，風猷日昇，而猶詢衡室之令典，遵明臺之叡訓，降淵慮於管庫，紆聖思乎版築，故曰道邈往載，德高前王，臣敢竭虛闇，祇承明旨，伏見前臨沮令新野庾實，秉真履約，愛敬淳深，昔在母憂，毀瘠過禮，今罹父疾，泣血有聞，行成闔庭，孝著鄰黨，足曰敦化率民，齊教軌俗，前徵奉朝請，武陵侯所恬和平簡，貞潔純素，潛居研志，耽情墳籍，亦足鎮息積競，獎助浮動，處士南郡師

覺授才學明敏操介清脩業均井渫志固冰霜臣往年辟爲州祭酒未行其志若朝命遠暨玉帛遐臻異人閒出何遠之有宋書臨川王道規

傳

啟事

恩旨賜臣犀銀竹節如意目所未覩御覽七百三

黃初妻趙罪議

案周禮父母之仇避之海外雖遇市朝鬪不反兵蓋曰莫大之冤理不可奪含戚枕戈義許必報至於親戚爲戮骨肉相殘故道乖常憲記無定準求之法外裁曰人情且禮有過失之宥律無讎祖之文況趙之縱暴本由於酒論心卽實事盡荒耄豈得曰荒耄之王母等行路之深讎臣謂此孫忍愧銜悲不違子義共天同域無

虧孝道

宋書臨川王道規傳

江夏王義恭

義恭武帝子景平末爲冠軍將軍南豫州刺史鎮歷陽元嘉元年封江夏王進撫軍將軍尋授散騎常侍都督荆湘雍益梁寧南北秦八州諸軍事荊州刺史遷征北將軍開府儀同三司南兗州刺史鎮廣陵進司空徵爲侍中司徒錄尚書領太子太傅進太尉領司徒尋領國子祭酒呂虜寇出鎮彭城降號驃騎將軍尋領南兗州刺史移鎮盱眙又改授大將軍南徐州刺史元因弒立進太保領大宗師孝武卽位授侍中太尉錄尚書南徐州二州刺史假黃鉞進太傅鎮京口徵爲揚州刺史進位太宰領司徒大明中加領中書監兼尚書令前廢帝卽位除太尉錄尚書事永光元年呂謀廢立遇害明帝卽位追崇丞相諡曰文獻王有集十五卷

感春賦

聽時禽之哢音信關關呂嚶嚶悲陽鴻之赴翔憐春鷺之入楹天

曉曖而流雲日陰翳而淪精風淑穆而吹蘭雨濛濛而洗莖草承
澤而摧秀花暝氣而飛簪初學記三

華林清暑殿賦

構禦暑之清言仿測景之西岑列喬梧曰蔽日樹長楊曰結陰醴
泉湧於椒室迅波經於蘭庭業芳芝曰爭馥合百草曰競馨飾丹
壤曰和璧加疏櫺曰連城至於朱明在運鬱夕囂晨寒堂涼結清
觀風絲覽茲宇之靈緯啟聖情曰寤神豈宣曲之妄擬焉甘泉之
足陳藝文類聚六十二

桐樹賦

伊梧桐之靈材蔚竦林而摧秀玄根通徹於幽泉密葉垂蔭而增
茂挺脩幹蔭朝陽招飛鸞鳴鳳皇甘露灑液於其莖清風流薄乎
其枝丹霞赫奕於其上白水泛潤乎其陂初學記二十八

白馬賦

惟皇有造，曰靈有祕。麗氣摘精，底愛尊粹。八埏稽首，曰宮庭九龍。
敏祗而納賚，眾車垂德。曰服箱，龍馬宅仁而受繚。是曰周稱踰輪。
漢則天駟，體自乾維。衍生坎位，伊楮白之爲俊。超絕世而稱驥，由
其爲狀也。竦身輕足，高頰露精。氣猛聲烈，步遠視明。著獻西宛，表
德東京。價傾函夏，觀竭都城。飾金鍍之倏爍，揚玉鑿之龍玲。發鳴
鏞於懸月，驅永埒於脩垌。施四介曰作好，耀二矛之重英。舉舊聞
而未儔，攻前迅而較名。初學記二十九

舉才表

臣聞雲和備樂，則繁會克諧。騅駟駘服，則致遠斯效。陛下順簡奇
化，文明在躬。玉衡既正，泰階載一。而猶發慮英髦，垂情仄陋。幽谷
空同，顯著揚歷。是曰潛虬聳鱗，佇利見之期。翔鳳弭翼，應來儀之
感。竊見南陽宗炳，操履閑遠。思業貞純，砥節丘園。息賓盛世，貧約
而苦內。無改情，軒冕屢招。確爾不拔。若曰蒲帛之聘，感曰大倫之

美庶投竿釋褐，嚮然來儀，必能毗燮九官，宣贊百揆，尚書金部，既臣徐森之，臣府中直兵參軍事，臣王天寶，竝局力允濟，忠諒款誠，往年逆臣叛逸，華陽失守，森之全境，靈民積膏危棘，前者經略伊瀍，元戎喪旅，天寶北勤河朔，東據營丘，勳勇旣昭，心事兼竭，雖蒙褒敘，未盡才宜，竝可授，臣邊藩，展其志力，交趾遼邈，累喪藩將，政刑每闕，撫莅惟艱，南中負遠，風遙迥隔，蠻獠狡竊，邊氓荼炭，實須練實，臣綏其難，謂森之可交州刺史，天寶可靈州刺史，庶足威懷荒表，肅清遐服，昔魏戍之賢，功存薦士，越武之明，事彰管庫，臣誠愧前良，理謝先哲，率舉所知，仰酬採訪，退懼瞽言，無足甄獎，宋書江

王義恭傳
元嘉元年

上世祖勅進表

臣聞治亂無兆，倚伏相因，乾靈降禍，二凶極逆，深酷巨痛，終古未有，陛下忠孝自天，赫然電發，投袂泣血，四海順軌，是言諸侯雲壯

數均八百。義奮之旅。其會如林。神祚明德。有所底止。而冲居或踞。未登天祚。非所召嚴。重宗社。紹延七百。昔張武抗辭。代王順請。耿純陳款。光武正位。況今罪逆無祀。惡盈釁滿。阻兵安忍。戮善崇姦。履地戴天。畢命俄頃。宜早定尊號。以固社稷。景平之季。實惟樂推。王室之亂。天命有在。故抱拜兆於壓壁。赤龍表於霄微。伏惟大明無私。遠存家國。七廟之靈。近哀黔首。茶炭之切。時陟帝祚。永慰羣心。臣負斃嬰罪。偷生人壤。幸及寬政。待罪有司。敢以漏刻視息。披露肝膽。宋書江夏王義恭傳

省錄尙書表

臣聞天地設位。三極同序。皇王化則。九官咸事。時亮之績。昭於虞典。論道之風。宣於周載。台輔之設。坐調陰陽。元凱之置。起釐百揆。所曰樂臧。矢言侵官。是誠陳平抗辭。匪職罔答。漢承秦後。庶僚稱改。爵因時變。任與世移。總錄之制。本非舊體。列代相沿。茲仍未革。

今皇家中造事遵前文宜憲章先代證文古則停省條錄已依昔
典使物競思存人懷勸懲則名實靡愆痛節必紀臣謬典國重虛
荷崇位興替宜知敢不輸盡

宋書江夏王義恭傳孝建元年

詠親征竟陵王誕表

誕素無才略畜養又寡自拒王命亡庶離散城內乏糧器械不足
徒賴免兵倉頭三四百人造次相附恩怨夙結臣始短慮謂一旬
可殄而假息流遷七十餘日上將受律羣蕃岳峙銳卒精旅動已
萬計大威所震未有成功臣雖凡怯猶懷憤踊陛下人剪封豕出
討長蛇兵不血刃再興七百而菽爾小醜遂延暑漏致皇赫斯怒
將勅乘輿此實臣下素食鴛鴦之責行留百司莫不仰慚俯愧今
盛暑俄甲日費千金天威一麾孰不幸甚臣伏尋晉文王征淮南
淹師出二百且方能制寇今誕振糧垂竭背逆者多慶之等轉悟
遲重之非漸見乘機之利且成旨頻降必應旦夕夷殄愚又已廣

陵塗近人信易達。雖遠江水約示不難。且觀理者寡。開塞者眾。忽見雲旗移次京。都既常祇悚。四方之志必有未達。臣愚伏重思計。今靈不當計小愧。省生命。曰安遐邇之情。又曰長江險闊。風波難期。王者尙不乘危。況乃汎不測之水。昔魏文濟江。遂有遺州之名。今雖先天不違。動于休慶。龍舟所幸。理必利涉。然居安慮危。不可不懼。私誠款款。曰啟赤心。追用悚汗。不自宣盡。宋書竟陵王誕傳

條制諸王府鎮表

古先哲王。莫不廣植周親。曰辟帝宇。諸侯受爵。亦願永固邦家。至有管蔡梁燕。致禍周漢。上乖顯授之恩。下亡血食之業。夫善積慶深。宜享長久而歷代侯王。甚乎匹庶。豈異姓皆賢。宗室悉不賢。由生於深宮。不觀稼穡。左右近習。未值田蘇。富貴驕奢。自往而至。聚毛折軸。遂乃危瀾。漢之諸王。並置傅相。猶不得禁逆。七國連謀。皆由疆盛。晉氏列封。正足成永嘉之禍。危大不掉。終古同疾。不有更

張則其源莫救日者庶人恃親殆傾王業去歲西寇藉寵幾敗皇
基不圖襄楚復生今觀良日地勝兵勇獎成凶惡前事之不忘後
事之明兆陛下大明紹祚垂法萬葉臣年衰意寒無所知解忝皇
族耆長慚慨內深思表管見裨崇萬一竊謂諸王貴重不應居邊
至於華州優地時可暫出既已有州不須置府若位登三事止乎
長史掾屬若宜鎮御別差扞城大將若情樂沖虛不宜逼日戎事
若捨文好武尤宜禁塞僚佐文學足充話言遊梁之徒一皆勿許
文武從鎮日時休止妻子室累不煩自隨百僚脩誦宜遵晉令悉
須宣令齊到備列賓主之則衛泌之士亦無煩干候貴王器甲於
私爲用蓋寡自金銀裝刀劍戰具之服皆應輸送還本曲突徙薪
防之有素庶善者無懼惡者止姦

宋書江夏王義恭傳義恭當慮
襄陽爲亂

乃上表
請封禪表

惟皇天崇極大夏始行掛讓迄於有晉雖非脩前緒而跡淪言廢
賤記於竹素者焉可單書紹乾維建徽號流風聲破絲管自無懷
呂來可傳而不可朽者七十有四君罔仁厚而道滅鮮義澆而德
宣鍾律之先曠世繇絕難得而聞上索著明者尙有遺炳故易稱
先天弗違後天奉時蓋陶唐姚姒商姬之主莫不出斯道也是已
風化大洽光熙於後炎漢二帝亦踵襲則因百姓之心聽輿人之
頌龍駕帝服鏤玉梁甫昌言明稱告成上靈况大宋表祥唐虞受
終素德山龍啟符金玉顯瑞異采騰於軫墟紫煙藹於邦甸錫景
兆九五之徵文豹赴天厯之會誠二祖之幽慶聖后之冥休道冠
軒堯惠深亭毒而獨執沖約未言封禪之事四海竊已慙焉臣聞
惟皇配極惟帝祀天故能上稽乾式照臨黔首協和窮昊膺茲多
福高祖武皇帝明竝日月光振八區拯已溺之晉濟橫流之世撥
亂靈民應天受命鴻徽洽於海表威稜震乎沙外太祖文皇帝體

聖履仁。述業興禮。正樂頌。作象厥明。達通於神。祇玄澤。破乎上下。仁孝命世。徵武英挺。遭運屯否。三才湮滅。迴龍飛五洲。鳳翔九江。身先八百之期。斷出人鬼之表。慶煙應高牙之建。風耀符發迹之辰。親翦凶逆。躬清昏盞。天地革始。夫婦更造。豈與彼承業繼緒。拓復禹迹。車一其軌。書罔異文。首同年而議哉。今龍麟已至。鳳皇已儀。比李已實。靈茅已茂。雕氣降秀於宮榭。珍露呈味於禁林。嘉禾積穗於殿裳。連理合幹於園籓。皆耀質離宮。植根蘭阿。至夫霜臺玄文。素剛植羽。泉河山嶽之瑞。草木金石之祥。方畿憬塗之謁。抗驛絕祖之奏。彪炳雜沓。粵不可勝言。太平之應。茲焉富矣。宜其從天人之誠。遵先王之則。備萬乘。整法駕。脩封泰山。瘞玉岱趾。延喬松於東序。詔韓岐於西廡。麾天關。使啟闢。謁紫宮。朝太一。奏鈞天。詠雲門。贊揚幽奧。超聲前古。豈不盛哉。伏願時命宗伯。具茲典度。

宋書禮志三大明元年十一月大嘗
江表王義恭奏又略見御學記十一

劾蔡興宗表

臣聞慎節言語大易有規銓序九流無取裁闕若乃結黨連學譏
訴互起街談巷議固顧聽聞乃撤實憲制所宜禁經之巨蠹侍中
祕書監臣或自表父疾必求侍養聖旨矜體特順所陳改授臣府
元僚兼帶軍郡雖臣篤劣府任非輕準之前人不爲屈後京郡本
目爲祿不計戶之少多遇缺便用無關高下撫軍長史莊滯府累
朝每陳危苦內職外守稱未堪依唯王球昔比賜目優養恩慈之
厚不近於薄前新除吳郡太守興宗前居選曹多不平允鴻滉含
宥恕其不閑改任大都寵均阿輔仍苦請益州雅違成命伏尋揚
州刺史子尚吳興太守休若並國之茂戚魯衛攸在猶牧守東山
竭誠撫莅而辭擇適情起自庶族逮佐北藩尤無欣荷御史中丞
永音歲餘愆從恩今授光祿勳臣淹雖曰代臣累經降黜後效未
申目何取進司徒左長史孔覲前除右衛尋徙今職回換之宜不

爲乃少、竊外談謂或等咸爲失分、又聞興宗躬自怨懟、與尙書右僕射師伯疏、辭旨甚苦、臣雖不見、所聞不虛、臣言凡才不應機務、謬自幸會、受任三朝、進無古人舉賢之美、退無在下獻替之績、致茲紛紜、伏增慚悚、然此源不塞、此風弗變、將虧正道、塵穢盛猷、伏願聖聽、賜垂覽察、宋書祭宗興傳

請赦義康妻息表

臣聞忝祖遠之、猶或慮親降、霍省序義重、令戚故嚴、道疾終、嗣啟方宇、阜陵愆屝、身還晚恩、竊惟故庶人劉義康、昔味好同、自貽非命、沈魂漏籍、垂誠來典、運革三朝、歲盈三紀、天地改朔、日月再升、陶形賦氣、咸蒙更始、義康妻息漂沒、早違盛化、眾女孤弱、水淪黔首、卽情原贖、本非己招、感事哀憐、俯增傷咽、敢緣陛下聖化融泰、春澤覃被、慈育羣生、仁被泉草、實希洗宥、還齒帝宗、則施及陳、蔡、蔡施污壤、臣特憑國私、冒冒誠表、塵觸靈威、伏紙悲悰、宋書彭城王義康傳

前廢帝永元元年太
宰江夏王義恭表

奏徙彭城王義康

投畀之言義甚雅篇流殛之故事在書典庶人義康負豐深重罪
不容戮聖仁不忍屢加遲回宥其大辟賜遷近甸斯乃至愛發天
超邈終古曾不遇愆甘引而讒言同眾佞悖徼幸每形辭色內宣
家人外動民聽不逞之族因言生心胡誕世假竊名號構成凶逆
杜漸除微古今所務況禍機驟發庸可忽乎臣等參議宜徙廣州
遠郡放之邊表庶有防絕

宋書彭城王義康傳元嘉二十四
年太尉錄尚書江夏王義恭等奏

奏請嚴章服

臣聞俯懸有數等級異儀佩笏有制卑高殊序斯蓋上哲之洪漠
範世之明訓而時至彌流物無不弊僭侈由俗軌度非古晉代東
徙舊法淪落俟收典章稍與事廣名實一差難日卒變章服崇濫
多歷年所今樞機更造皇風載新耗弊未充百用思約宜備品式

之律。曰定損厭之條。臣等地居枝昵。位參台輔。遵正之首。請曰。爵先。致貶之端。宜從。威始。輒因。暇日。共參。愚懷。應加。省易。謹陳。九事。雖懼。匪衷。庶竭。微款。伏願。陛下。聽覽。之餘。薄垂。昭納。則上下。相安。表裏。和穆。矣。

宋書江夏侯王羨恭傳與驃騎大將軍竟陵王誕奏詔付外詳

奏斬臧質事

臧質底棄下才。而藉遇深重。窮愚悖常。構扇凶逆。變至滔天。志圖泯夏。違恩叛德。擧過恆科。梟首之憲。有國通典。懲戾思永。去惡宜深。臣等參議。須奉日限。意使依漢王莽事例。漆其頭首。藏於武庫。庶爲鑑戒。昭示將來。

宋書臧質傳斬質首傳京師江夏王羨恭左僕射宏等奏詔可

章太后毀廟議

經籍殘僞。訓傳異門。諒言之者。固一。故求之者。豈究。是曰六宗之辨。舛於兼儒。迭毀之論。亂於羣學。章皇太后。誕神啟聖。禮備中興。慶流非脞。德光義遠。宜長代崇。芬奕葉垂則。豈得降伴通倫。反遵

常典夫議者成疑實傷紀傳知一爽二莫窮書旨案禮記不代祭
爰及慈母置辭令有所施殺梁於孫止別主立祭則親執虔祀事
異前志將由大君之宜其職彌重人極之貴其數特中且漢代鴻
風遂登配祔晉氏明規成畱薦祀遠攷史策近因闇見未應毀之
於義爲長所據公羊祇足堅秉安可曰貴等帝王祭從土庶緣情
訪制顛越滋甚謂應同七廟六代乃毀宋書禮志四孝建元年有
禮義恭曰爲
云云詔可

鑄四銖錢議

伏見沈慶之議聽民私鑄樂鑄之室皆入署居平其準式去其雜
僞愚謂百姓不樂與官相關由來甚久又多是人士蓋不願入署
凡盜鑄爲利利在僞雜僞雜既禁樂入必寡云倣取輪郭藏爲永
寶愚謂上之所貴下必從之百姓聞官倣輪郭輪郭之價百倍大
小對易誰肯爲之彊制使換則狀似逼奪又去春所禁新品一時

施用愚謂此條在可開許。又云今鑄宜依此格萬稅三千。又云嚴檢盜鑄不得更造。愚謂禁制之設非惟一且。昧利犯憲羣庶常情不患制輕。患在冒犯。今入署必萬輸三千。私鑄無十三之稅。逐利犯禁。居然不斷。又云銅盡事息。姦偽自禁。愚謂赤縣內銅非可卒盡。比及銅盡。姦偽已積。又云禁鑄則銅轉成器。開鑄則器化爲財。然頃所患。患於形式不均。加召翦鑿。闕二鉛錫眾訴耳。越若止於盜鑄銅者。亦無須苦禁。宋書顏竣傳。孝建三年。

墾起湖田議

夫訓農修本。有國所同。土著之民。習翫日久。如京師無田。不開從居他縣。尋山陰豪族富室。頃畝不少。貧者肆力。非爲無處耕。起空荒。無救災歉。又緣湖居民。魚鴨爲業。及有居肆。理無樂從。宋書孔靖傳。

賜進士出身二品銜廣東等處提刑按察使司按察使兼管驛傳事務黃岡王敏藻校刊

全宋文卷十一終

全宋文卷十一

七

全宋文卷十二

烏程嚴可均校輯

江夏王義恭

答詔愍雷次宗 元嘉二十五年

雷次宗不救所疾甚可痛念其幽棲窮蔽自賓聖朝克已復禮始

終若一伏惟天慈弘被亦垂矜愍 宋書雷次宗傳

荅誠勒

臣雖未能臨瀚海濟居延庶免劉仲奔逃之恥 宋書江夏王義恭傳初虜深入上慮

義恭不能固彭城備加誠勒義恭荅又見南史十三

荅詔問何尙之致仕事 元嘉二十九年

尙之清忠貞固歷事唯允雖年在縣車而體尙充壯未相申許下

情所同 宋書何尙之傳

薦沈邵啟

肝貽太守劉顯真求自解說劬往莅任有政績彰於民聽若重授

肝貽足爲良二千石

宋書自序

謝賜金梁鞍啟

賜臣供御金梁橋鞍制作精巧宜副龍馭聖慈下逮猥垂光錫

記二十二御覽三百五十八

謝敕賜華林園櫻桃啟

手敕猥賜華林櫻桃爲樹則多陰爲果則先孰故種之於聽事之

前有蟬鳴焉願命黏取呂弄

荀文類聚八十六御學記二十八

謝敕賚華林園柿啟

敕旨垂賚華林園柿出自神苑滋味殊絕

荀文類聚八十六御覽九百七十一

謝賜交州檳榔啟

奉賜交州所獻檳榔味殊常品塗遠蒞暨

御覽九百七十一

啟事

恩旨賜臣犀鏤竹節如意目所未觀

北堂書鈔一百三十四

垂賜金鏤虎魄茱萸囊七寶樹裝袖裏副之七寶杖裝玉眼明囊

北堂書鈔一百三十四

十六御覽七百四

聖恩優重猥賜華纓玉笏珍冠飾首琛板耀握非臣朽薄所宜服

受初學記二十六御覽六百四十五又六百九十二

詔旨臣赦日所制綾紋錦布袍放生古具袍垂重賜御覽六百九十三

恩旨臣犀鏤金錯酒杯盤垂賜御覽七百五十八

聖恩賜金銀針七色縷并格一犀棟刷匣副繇布兆珍服寶玩臣

協嘉辰御覽八百三十

賜臣金獸袍珍製巧飾

洪恩覃被賜臣息伯禽榿屋二間御覽一百八十一

與朱脩之書

義宣反道叛恩自陷極逆大義滅親古今同準無將之誅猶或因

殺沈醜文悖志宣灼遐邇鋒指絳闕兵纏近郊覺逼憂深臣主肝
食賴朝略震明祖宗靈慶罪人斯得七廟弗隳司刑定罰典辟攸
在而皇慈逮下愍其愚迷抑法申情屢奏不省人神悚遑省心震
惕義宣自絕於天理無容受社稷之慮臣子責深便宜專行大戮
已紓國難但加諸斧鉞有傷聖仁不巳弘恩使自爲所上全天德
下一洪憲臨書悲愷不復多云宋書南郡王義宣傳大司馬江貞
朱脩之書書未達脩之
至江陵已於獄盡焉

與王玄謨書元嘉二十八年

聞因敗爲成臂上金瘡得非金印之徵也宋書王玄謨傳義恭曰
還爲魏軍所迫大破之流矢中
爲礮礮不可守召玄謨

臂義恭與書又見南史十六
與南郡王義宣書

頃聞之道路云二魯背叛致之有由謂不然之言絕於智者之耳
忽見來表將興晉陽之甲驚愕駭惋未譬所由若主幼臣強政移

家宰或時昏下縱在上畏過然後賢藩忠構視難赴機未聞聖主御世百辟順軌稱兵於言與之初扶危於既安之日已此取濟竊爲大弟憂之昔歲二囚構逆四海同愆弟協宣忠孝奉戴明主元功盛德既已昭著皇朝欽嘉又亦優渥丞相位極人臣江左罕授一門兩王梁世希有表倍推誠彰於見事出納之宜唯意所欲冀升進益方省後命一旦棄之可謂愚也吾等荷先帝慈育得及人羣思報厚恩昊天罔極竭力盡誠猶懼無補奈何妄聽邪說輕造劇難國靡流言據歸愆於二叔世無罣錯仍襲轍於七瀋棄漢蒼之令範遵齊罔之敗迹往時仲堪假兵靈寶旋害其族孝伯授之劉牢忠誠逝踵皆漢代之成事當今之殷鑒也賊質少無美行弟所具悉憑恃未賊竝有微勳承乏推遷遂超倫伍藉西楚靈力圖濟其私凶謀若果恐非復池中物晉宗父子世爲國冤太祖方弘遐略故爽等均雍肅之封令據有五州虎兕出於匣是須爲劉淵

耳徐遺寶是坦護之婦弟前因譏之歸於吾苦求北出不樂遠西
近磐桓湖陸示遣劉雍其意可見雍是徐冲舅適有密信誓偪戈
自虜侵境日來公私彫弊安已撫之庶可寧靜弟復隨而擾亂吾
恐邊鄙皆爲禾黍宜遠尋高祖創業艱難近念家國比者禍釁時
息兵戈共安社稷責躬謝過誅除險佞追保前勳傳美竹帛昔梁
孝悔罪景帝垂恩阜質改過肅宗降澤忠焉之誨聊希往言禍福
之機明者是察主上神武英斷羣策如林忠臣發憤虎士投袂雄
騎布野艣艦蓋川吾已不才忝權節鉞總督羣帥首戒戎先指晨
電舉式清南服所已積行緩期冀弟不遠而悟如其遂溺姦說者
天寶爲之臨書慨懣不識次第

宋書南郡王義宣傳

宋書此傳

詐進元因劾策

賊請小年未習軍旅遠來疲弊宜已逸待之今遠出梁山則京都

空弼東軍乘虛容能爲患。若分力兩赴則兵散勢離不如養銳待
期坐而觀變。宋書元因劬傳義恭慮發兵倉卒船勝

丹徒宮集敘

昭化景俗文選王融曲

嘉禾甘露頌

井上表

水詩序注

臣間居高聽卑上帝之功天且弗違聖王之德故能影響二儀甄
陶萬有鑒觀今古探驗圖緯未有道闕化虧而禎物著明者也自
皇運受終辰曜交和是日卉木表靈山淵效寶伏惟陛下體乾統
極休符襲逮若乃鳳儀西郊龍見東邑海酋獻改緇之羽河祇開
俟清之源三代象德不能過也。有幽必闢無遠弗屆重譯歲至休
瑞月臻前者躬藉南畝嘉穀仍植神明之應任斯尤盛四海旣穆
五民樂業思述汾陽經始靈囿蘭陵甫樹嘉露頌流板築初就祥
穆加積太平之符於是乎在臣已寡立承乏槐鉉沐浴芳津預觀

冥慶不勝抃舞之情。謹上嘉禾甘露頌一篇。不足稱揚美烈。追用
悚汗。其頌曰。

二象攸分。三靈樂主。齊應合從。在今猶古。天道誰親。唯仁斯輔。皇
功帝績。理冠區宇。四民均極。我后體茲。惟機惟神。敬昭文思。九族
既睦。萬邦允釐。德召位敘。道致雍熙。於穆不已。顯允東儲。生知夙
敘。嶽茂淵虛。因心則哲。令問弘敷。繼徽下武。儷景辰居。軒制合宮。
漢興未央。矧伊聖朝。九有己康。率由舊典。思燭前王。乃造陵霄。遂
作景陽。有謫景陽。天淵之淡。清暑爽立。雲堂時起。植類斯育。動類
斯止。極望江波。遍對岳峙。化德惟遠。休瑞惟懋。誕降嘉種。呈祥初
構。甘露春凝。頤穠秋秀。於今匪烈。嗣歲仍富。昔在放勳。麻莢數朝。
降及重華。倚扇清惠。鏘矣皇慶。比物競昭。倫彼典策。被此風謠。資
臣六蔽。任兼兩司。既應仲袞。又慚鄒縱。豈忘衡泌。樂道明時。敢述
休祉。愧闕令辭。宋書符瑞志下元嘉二十四年七月嘉禾旅生華
林園及景陽山園承樹道念召問太尉江夏王義

恭上表

華林四瑞桐樹甘露贊

遠延鳳翮遙集鸞步惠潤何廣露我萌庶

初學記二十八

衡陽王義季

義季小字師護武帝子元嘉元年封衡陽王歷征虜將軍領石頭成事遷使持節都督南徐州諸軍事南徐州刺史尋代臨川王義慶都督荆湘雍益梁寧南北秦八州諸軍事安西將軍荆州刺史加散騎常侍進號征西大將軍領南蠻校尉徙都督南兗徐青冀幽六州諸軍征北大將軍開府儀同三司南兗州刺史進督豫州之梁郡遷徐州刺史二十四年薨追贈侍中司空諡曰文王有集十卷

傷劉道產啟

故輔國將軍劉道產忠肯癰疾遂不救道產自鎮漢南境接凶寇

政績既著，威懷兼舉。年時猶可，方宣其用。奄至殞沒，傷怨特深。伏

惟聖懷，愍惜兼至。

宋書劉道產傳

與江夏王義恭書

宗居士不救所病，其清履肥素終始可嘉，爲之惻愴，不能已已。

宋書

宗炳傳

彭城王義康

義康，小字車子，武帝子。永初元年，封彭城王。歷右將軍、南豫州、南徐州刺史。文帝卽位，進號驃騎將軍，加散騎常侍，開府儀同三司，改授荊州刺史。入爲侍中，都督揚南徐兗三州諸軍事，司徒錄尚書，領平北將軍、南徐州刺史，輔政。尋領揚州刺史，又領太子太傅，進位大將軍，領司徒。元嘉十七年，出爲都督江州諸軍事、江州刺史。鎮豫章，尋免爲庶人，絕屬籍。二十八年，賜死。

上表遜位

臣幼荷國靈，爵遇踰等。陛下推恩睦親，日隆棠棣，愛忘其鄙，寵授遂崇。任總內外，位兼台輔，不能正身率下，白肅庶僚，聽近失所，漸不自覺，致令毀譽違實，賞罰謬加。由臣才弱任重，日及傾撓，今雖罪人，卽戮王猷，載解養登貽垢，實由於臣。鞠躬慄悚，若墜谿壑，有何心顏而安斯寵。輒解所職，待罪私第。

宋書彭城王義康傳

歲饑平糶議
東土災荒，人凋穀踊，富商蓄米，日成其價。宜班下所在，隱其虛實，令積蓄之家，聽畱一年儲餘，皆救使糶貨，爲制平價。此所謂常道，行於百代，權宜用於一時也。又緣淮歲豐，邑地沃壤，麥旣已登，黍粟行就，可折其估賦，成就交市。三吳飢人，卽日貸給，使彊壯轉運，白贍老弱。

南郡王義宣

義宣，武帝子。元嘉元年，封竟陵王，歷左將軍、徐州刺史，遷中書

監進號中軍將軍加散騎常侍改封南譙王出爲江州刺史遷
征北將軍南徐州刺史進車騎將軍荊州刺史進位司空改侍
中領南蠻校尉遷司徒中軍將軍揚州刺史未就徵季武卽位
己爲中書監丞相都督揚豫二州刺史改封南郡王固辭改授
荆湘二州刺史孝建元年舉兵反改元建平爲沈慶之等所敗
死江陵獄

奉表自陳

臣聞博陸毗漢獲疑宣后昌國翼燕見猜惠王常謂異姓震玉嫌
隙易構葭葦瀆戚昭亮可期臣雖庸懦少希忠謹值巨逆滔天忘
家徇國雖厯算有歸微績不樹竭誠盡思貫之幽顯而微疑莫監
積毀日聞投杼之聲紛紜溢聽諒緣奸臣交亂成是貝錦夫澆俗
之季少貞節之臣冰霜競至靡後彫之木竝寢處凶世甘榮僞朝
皆纓冕之所棄投畀之所取至乃位起昔寵任參大政惡直醜勳

妄生邪說疑惑明主。誣罔視聽。又南從郡僚。勞不足紀。橫叨天功。自爲己力。同樊相扇。圖傾宗社。滅質去歲。忠節動高古賢。魯爽協同大義。志契金石。此等猜毀。必欲禍陷。昔汲黯尙存。劉安寢志。孔父旣逝。華督縱逆。臣雖不武。積著艱難。復肆讒狡。規見誘召。宗祀之危。綴旒非所。臣託體皇基。連暉日月。王室顛墜。咎在微躬。故忘抵鼠之忌。甘受犯墮之責。輒徵召甲卒。分命眾藩。使忠勤申憤。義夫効力。戮此凶醜。謝愆闕廷。則進不負七廟之靈。退無愧二朝之遇。臨表感愧。辭不自宣。

宋書南郡王義宣傳

與張鏡書論儒釋

佛教召罪。福因果。有若影響。聖言明審。令人寒心。然自上古帝皇。文武周孔。典謨訓誥。靡不周備。未有述三世顯敘報應者也。彼眾聖皆窮理盡性。照曉物緣。何得忍視陷溺。莫肯援接。曾無一言示其津逕。且鈞而不綱。弋不射宿。博碩肥膾。上帝是享。曰此觀之。蓋

所難了。想二三子揚摧而陳，使割然有證，祛其惑焉。弘明集十二
安論孔釋書又載張新安答譙王書列於晉習鑿齒後鄭道子前
監目爲晉之嗣譙王也其實非也劉義宣封竟陵王改封南譙王
又改封南郡王周辭譙王卽義宣矣
張新安者張鏡也僧佑未經放出

元凶劭

劭，字休遠，文帝長子。元嘉六年立爲皇太子。三十二年二月，弒父卽位。改元太初。義軍起，伏誅。

荅詰讓

南第昔屬天興，求將吏驅使。臣荅曰：伍那可得，若能擊賊者，可入隊。當時蓋戲言耳，都不復憶。後天興道上通辭，乞位追存，往爲者不忍食言。呼視見其形容，粗健堪充驅使。脫余使監禮兼隊副，比用人雖取勞舊，亦參用有氣幹者。謹條牒人名上呈，下人欲嫁者，猶未有處。

宋書元凶劭傳上遺闕
人奚承祖詰讓劭劭荅

詐爲文帝詔

魯秀謀反汝可平明守關率眾入

宋書元凶劭傳其月二十一日夜謀上詔魏武劉義隆傳作劭

又詳義隆劭云魯秀謀反汝明可守關將兵入討也

卽位下書

徐湛之江湛弑逆無狀吾勒兵入殿已無所及號惋崩劬肝心破裂今罪人斯得元凶克殄卜世靈祥永享無窮思與億兆草茲更始可大赦天下改元嘉三十年爲太初元年文武並賜位二等諸科一依丁卯

宋書元凶劭傳後魏書劉義隆傳

下賊敦等替

賊敦等無因自賊急便竄逸迷昧過甚良可怪歎質國感勳臣忠誠篤亮方當顯位贊翼京輦而子弟波迸傷其乃懷可遣宣譬令還咸復本位

宋書賊質傳

始興王浚

浚字休明小字虎頭文帝次子元嘉十三年封始興王歷後將

軍湘州刺史遷南豫州揚州刺史加散騎常侍進號中軍將軍
出爲征北將軍南徐兗二州刺史徙衛將軍荊州刺史領護南
蠻校尉未行元凶弒立己爲侍中中書監領太子太傅南徐州
刺史錄尙書事爲義軍所誅

與沈璞疏

璞字道真
林子少子

卿嘗有速藻舊宮何其淹邪想行就爾

宋書
自序

重與沈璞敎

卿沈思淹日向聊相敎還白斐然遂兼紙翰昔曹植有言下筆成
章良謂逸才瞻藻諒其辭說己今況之方知其信執省躊躇三復
不已吾遠慚楚元門盈申白之賓近愧梁孝庭列板馬之容欣慰
交至諒唯深矣薄因未牘己代一面

宋書自序璞嘗作舊宮賦久
而未畢溶與璞疏緣因事陳

谷辭義可
觀溶重敎

上言問漕谷湖

元嘉二十二年

所統吳興郡，衿帶重山，地多汗澤，泉流歸集，疏決遲壅，時雨未過，已至漂沒，或方春輟耕，或間秋沈稼，田家徒苦，防遏無方，彼邦輿區，地沃民阜，一歲稱稔，則穰被京城，時或水潦，則數郡爲災，頃年呂來，儉多豐寡，雖賑資周給，傾耗國儲，公私之弊，方在未已，州民姚嶠，比通便宜，曰爲二吳，晉陵義興四郡，同注太湖，而松江滬漈，壅噎不利，故處處涌溢，浸漬成災，欲從武康紆溪，開漕谷湖，直出海口，一百餘里，穿染洽，必無闕滯，自去踐行，量度二十許載，去十一年大水，已詣前刺史臣義康，欲陳此計，卽遣王簿盛曇泰隨周行，互生疑難，議遂寢息，既事闕大利，宜加研盡，登遣議曹從事史虞長孫，與吳興太守孔山上，同共履行，準望地勢，格評高下，其川源山歷，莫不踐校，圖畫形便，詳加筭攷，如所較量，決謂可立，尋四郡同患，非獨吳興，若此洽獲通，列邦蒙益，不有壅勞，無由永晏，然興創事大圖，始當難，今欲且開小漕，觀試流勢，輒差烏程武康。

東遷三縣近民，卽時營作，若宜更增廣，尋更列言。昔鄒國敵將，史起卑忠，一聞其說，萬世爲利。嶠之所建，雖則芻蕘，如或非妄，庶幾可立。

宋書二
四傳

與主簿顧邁孔道存書

沈璞淹思踰歲，卿研慮數旬，瓊麗之美，信同在昔。向聊問之，而還答累翰，辭藻豔逸，致慰以多。旣欣股肱，備此髦楚，還慚子躬，無德而稱，復裁少字，宣志於璞。聊因尺紙，使卿等具知厥心。

宋書
白序

與沈璞書

狡虜狂凶，自送近服，僞將卽斃，酋長傷殘，實天威所喪。卿諸人忠勇之功也，吾式邊無素，致境蕪民瘠，負乘之愧，允當其責。近乞退謝愆，不蒙垂許，故日報卿。

宋書
白序

答太子劭書

奉命伏深惶怖，敝此事多日，今始來問，當是有感發之者。未測源

由耳計竊賀故當不應翻覆言讀自生寒熱也此姥由來挾兩端
難可孤保正爾自問臨賀冀得審實也其若見問當作依違答之
天與先畧佞人府位不審監上當無此簿領耳急宜譴之殿下已
見王未宜依此具介嚴自躬上啟聞被人若爲不已正可保南史作促
其餘命或是大慶之漸宋書元凶劾傳南史十四

與孝武書

聞弟忽起狂傲阻兵反噬縉紳憤歎義夫激怒古來陵上肉侮誰
不火滅弟洞覽墳籍豈不斯具今主上天縱英聖靈武宏發自登
宸極威澤兼宣人懷甘死之志物競舍生之節弟蒙眷遇著自少
長東宮之懼其來如昨而信惑姦邪忘茲恩友此之不義人鬼同
疾今水步諸軍悉已備辦上視御六師太保又秉鉞臨統吾與烏
羊相尋卽道所已淹遲緩電者猶冀弟迷而知返耳故略不懷言
不盡意主上聖恩每厚法師今在殿內住想弟欲知消息故及宋書

元凶劾傳劾使潛與世祖書烏羊者
南平王錄法師世祖世子小名也
與元凶劾書

船故未至今晚期當於此下物令畢願速救謝陽出船艦尼己入
臺願與之明日決也臣猶謂車駕應出此不爾無言鎮物情宋書
傳劾將敗容劾入海筆珍寶細帛
下篇與劾書云云尼即嚴道育也

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十一終